

# FAGOR HERRIGINTZA LANKIDETZA PROGRAMAREN OINARRIAK

2022



Etorkizuna  
hobetzeko  
lanean

# SARRERA

Ondorengoak dira Fagor Herrigintza lankidetzaren programa arautzeko oinarriak. Programa hau Fagor Taldeko Gizarte Eraldaketa Batzordeak sustatzen du eta proiektuen aukeraketa prozesuan Fagor Taldeko kooperatibetako pertsonak parte hartzen dute.

## LEHENENGO KAPITULUA. XEDAPEN OROKORRAK

### 1. PROGRAMAREN XEDEA

Fagor herrigintza programaren bitartez, komunitatetik sortutako ekimenak lagundu eta beraiekin lankidetzan aritu nahi dugu, euskal gizartearen auto-eratzearen bidetik, Garapen Iraunkorrerako Helburuei erantzun propio eta berezitu bat ematea helburu duten proiektuak bultzatuz.

### 2. DIRU BALIABIDEAK

Programa hau Fagor Taldeko IPDK heziketa eta kooperatiba sustapenerako zein interes publikoko beste helburu batzuetarako fondoetatik finantzatzen da. Konkreterik, Sustapen Sozial eta Kooperatibo arloan interkooperazio eta kooperatibak sustatzeko proiektuetarako eta Banaketa Komunitario arloan kooperatibek gizarte eraldaketarako proiektuetarako 2021ean adostu diren baliabideekin finantziatuko da.

### 3. ENTITATE ONURADUNAK

Euskal Herriaren garapena bultzatzen duten proiektuak lantzen dituzten erakundeak izango dira programa honen onuradunak. Halaber, kontuan hartuko dira proiektuaren inpaktua Euskal Herrietik kanporakoa izan arren Euskal Herrian antolatu eta garatzen diren dinamikak.

#### 3.1. Onuradun izateko betekizunak:

- Irabazi asmorik gabeko erakundea izatea.
- Egoitza nagusia Euskal Herrian izatea.

# BIGARREN KAPITULUA. LAGUNTZEN EZAUGARRIAK

## 1. PROIEKTUEK IZAN BEHARREKO EZAUGARRIAK

Proiektuek lotura izan beharko dute Agenda2030 Garapen Iraunkorreko Helburuekin (GIH), eta bereziki, Fagor 2030 estrategiarekin lerrokatuta dauden ondorengo helburuekin: ekoizpen eta kontsumo arduratsua (12. GIH), genero berdintasuna (5.GIH), klima babesteko ekintza (13.GIH), hiri eta komunitate iraunkorrak (11.GIH) eta helburuak lortzeko aliantzak (17.GIH).

Hiri eta komunitate iraunkorrak helburuarekin lotuta (11.GIH), bereziki, gizarte inklusioa, mugikortasuna eta euskal kulturarekin lotutako proiektuak baloratuko dira.

Deialdi bakoitzean 3 proiektu aukeratuko dira, erakunde bakoitzetik gehienez bat. Urtero aurkeztu ahal izango dira bai erakundea eta bai proiektuak, beti ere, azken horiek bilakaeraren bat izan badute diru ekarpena azkenengoz jaso dutenetik.

## 2. DIRUZ LAGUNDU DAITEZKEEN GASTUAK

Ondokoak dira kontuan hartuko diren gastuak eta mugak:

- Proiektuaren aurrekontu osoaren %80 finantzatuko da gehienez.
- Proiektuarekin zuzenean loturarik ez duten gastuak ez dira kontuan hartuko (adibidez, bidaia gastuak eta dietak).
- Diru-laguntza publiko zein pribatuez harago, erakundeak proiektua autofinantzatzeko bestelako ekimenak martxan izatea baloratuko da.

## 3. DIRU-LAGUNTZEN ZENBATEKOA

Hiru kategoria hauetan egingo da diru ekarpena:

- Lagunduko den lehenengo proiektuak 60.000 euro jasoko ditu.
- Lagunduko den bigarren proiektuak 40.000 euro jasoko ditu.
- Lagunduko den hirugarren proiektuak 20.000 euro jasoko ditu.

## 4. BESTE LAGUNTZA BATZUEKIKO BATERAGARRITASUNA

Administrazio publikoetatik finantzazioaren %80tik gorako laguntza jaso duten proiektuak deialdi honetatik kanpo geratuko dira.

# HIRUGARREN KAPITULUA. PROZEDURA

## 1. DEIALDIA

Proiektu honetako diru-laguntzak jarraian arautzen den prozeduraren arabera emango dira. Programaren oinarriak uztailean jakinarazi zaizkie Fagorreko kooperatibetako kideei, eta, irailean, webgunean argitaratu dira, deialdia publiko eginez. Irailean ireki da proiektuak aurkezteko epea.

## 2. PROIEKTUAK AURKEZTEA

### a. Ondorengoak dira proiektuak aurkezteko jarraitu beharreko urratsak:

- Proiektuak aurkezteko azken eguna 2022ko irailaren 30a izango da.
- Proiektuak *fagor.eus* webguneako formularioaren bitartez aurkeztuko dira.

### b. Formularioan aurkeztu beharreko informazioa:

- Erakundearen datuak:  
Erakundearen izena, erakundearen identifikazio fiskala, harremanetan jartzeko pertsonaren izen-deiturak, NAN, helbidea, herria, posta-kodea, telefono-zenbakia eta helbide elektronikoa.
- Eskaera txostena, ondorengo atal hauekin:
  1. Proiektuaren deskribapena.
  2. Xedea
  3. Garapen iraunkorreko helburuekin duten lotura.
  4. Antolaketan parte hartzen duten pertsona kopurua.
  5. Fagor Taldeko kooperatibetako kideek parte hartzen badute proiektuaren antolaketan, adierazi zenbat diren eta zein kooperatibetakoak.
  6. Ekimenaren onuradunak zeintzuk diren.
  7. Aurrekontu osoa eta finantzazio plana.
- Proiektuaren txostenak ondorengo informazio osagarria jaso ahal izango du:
  1. Erakundeak garatutako beste proiektuen erreferentziak eta lortutako emaitzak.



2. Erakundeak indarrean dituen lankidetzak edo kolaborazioak.

3. Erakundeak jaso dituen sariak edo aitortzak.

Eskaera prozesua euskaraz garatu beharko da eta dokumentazio guztia ere euskaraz egon beharko da. Emakumeen eta gizonen berdintasunerako legea bigarren aldiz aldatzen duen martxoaren 3ko 1/2022 Legean xedatutakoari jarraituz, ez du hizkera sexistarik erabiliko eta, gizonen eta emakumeen rolei dagokienez, ez du erabilera estereotipaturik egingo.

**d. Laguntza-eskabideak zuzentzea**

Eskabidea puntu guztietan behar bezala beteta ez badago, edo aurreko artikuluan adierazitako dokumentazio guztia aurkezten ez bada, 10 eguneko epea emango zaio erakunde eskatzaileari akatsa zuzentzeko edo beharrezkoak diren agiriak aurkezteko. Epe hori igarota, hala egin ez badu, eskabidean atzera egin duela ulertuko da.

**3. PROIEKTUAREN AUKERAKETA**

| IRIZPIDEAK  | Neurtuko dena  | Puntuazioa  |
|---|--|---|
| Fagor 2030ekin lerrokatutako Garapen Iraunkorreko Helburuekin (GIH) lotura. | <p>Aurkezten den proiektuak Garapen Iraunkorreko helburu hauetan duen eragin positiboa baloratuko da:</p> <p>5-Genero Berdintasuna</p> <p>11-Hiri eta komunitate iraunkorrak</p> <p>12-Ekoizpen eta kontsumo arduratsua</p> <p>13-Klimaren aldeko ekintza</p> <p>17-Helburuak lortzeko aliantzak</p> | <p>-Kontsumo arduratsuan eragin positiboa (12.GIH): puntu 1</p> <p>-Genero berdintasunean eragina (5.GIH): puntu 1</p> <p>-Aldaketa klimatikoarengan eragina (13.GIH): puntu 1</p> <p>-Gizarte inklusioan eragina (11. GIH): puntu 1</p> <p>-Euskal Kulturaren eragina (11.GIH): puntu 1</p> <p>-Mugikortasun jasangarrian eragina (11.GIH): puntu 1</p> <p>- Hainbat erakunderen artean landutako proiektua denean (17. GIH): puntu 1</p> <p style="text-align: center;"><b>Guztira 7 puntu lortzeko aukera.</b></p> |



|   |  |   |
|---|--|---|
| <p>Proiektuaren eragin eremua</p>       | <p>Aurkezten den proiektuak non izango duen inpaktua baloratuko da</p>                               | <ul style="list-style-type: none"> <li>- Eragina eskualde edo lurralde mailan: puntu 1</li> <li>- Eragina Euskal Herritik mundura begira : 2 puntu</li> <li>- Eragina Euskal Herri mailan: 3 puntu</li> </ul> <p style="text-align: center;"><b>Guztira 3 puntu lortzeko aukera.</b></p>  |
| <p>Proiektuaren irismena</p>            | <p>Aurkezten den proiektuak izango duen onuradun kopurua baloratuko da</p>                           | <ul style="list-style-type: none"> <li>-Pertsona gutxiengaren eragina: puntu 1</li> <li>-Pertsona kopuru ertainarengan eragina: 3 puntu</li> <li>-Pertsona askorengan eragina: 6 puntu</li> <li>- Kolektibo zaurgarriengan eragiten badu: puntu 1 +</li> </ul> <p style="text-align: center;"><b>Guztira 7 puntu lortzeko aukera</b></p>  |
| <p>Fagorreko pertsonen ekintzailtza</p> | <p>Aurkezten diren proiektuetan Fagorreko kide diren pertsonak duten parte hartzea baloratuko da</p> | <ul style="list-style-type: none"> <li>-Fagorreko koop. bateko pertsona 1-2 inplikaturak: puntu 1</li> <li>-Fagorreko koop. bateko 3-5 pertsona bitartean inplikaturak: 2 puntu</li> <li>-Fagorreko koop. bateko 5 pertsona baino gehiago inplikaturak dauden proiektuak: 3 puntu</li> <li>-Fagorreko kooperatiba desberdinetako pertsonak daudenean inplikaturak: puntu 1 +</li> </ul> <p style="text-align: center;"><b>Guztira 4 puntu lortzeko aukera</b></p> |

**b. Epaimahaia**

Aurkezten diren proiektu guztien artean Fagor Taldeko Gizarte Eraldaketa Batzordeak egingo du lehenengo aukeraketa. Aukeraketa hori egiteko irizpideak aurreko puntuak zehaztutakoak izango dira.

Fagor Taldeko Gizarte Eraldaketa batzordeak aukeratutako proiektuak Fagor Elkarrekin tresnan argitaratuko dira, eta taldeko kooperatiba guztietako kideek izango dute proiektuei puntuak emateko aukera.



Babes handiena lortzen duten 3 proiektuak aurkeztuko dira Fagorreko Lehendakarien Batzordean eta bertan hartuko da azken erabakia.

Erakunde onuradunak aurkezturiko dokumentazioaren datuak egiazkoak direla frogatzeko, beharrezkotzat jotzen den dokumentazio eta informazio osagarri guztia eskatu ahal izango da.

#### **d. Ebazpena, alegazioak eta jakinarazteko modua.**

Behin erabakia hartuta Lehendakarien Batzordeak prozedura amaitzen duen ebazpena egingo du. Prozesua hasi denetik 15 egunean ebatzi beharko da.

Ebazpena webgunean publikatuko da erabakia hartu eta hurrengo 15 egunetan gehienez. Ebazpenarekin ados ez egotekotan, 10 egun egongo dira alegazioak aurkezteko.

## **LAUGARREN KAPITULUA. LAGUNTZAK GAUZATZEA.**

### **1. DIRU-LAGUNTZAK ORDAINTZEA**

Diru laguntza jasoko duten proiektuak aukeratzeko direnean eta erakunde onuradunei horren berri ematen zaienean hasiko da ordainketa prozesua. Horretarako, erakunde onuradunek berretsi egin beharko dute diru laguntza jasotzeko beraien interesa.

Emandako dirulaguntza onartzea. Erakunde onuradunak dirulaguntza esleitu izanaren jakinarazpena jasotzen duen egunetik hasi eta hamabost eguneko epean, dirulaguntzari esanbidez uko egiten ez badio, dirulaguntza onartutzat hartuko da.

Ordainketa transferentzia bidez egingo da erakundearen izenean edo erakundearen lege ordezkariaren izenean dagoen kontu korrontean.

### **2. ONURADUNEN BETEBEHARRAK**

Proiektuaren aurkezpen dokumentuetan adierazitako exekuzio data amaitu eta gero, erakunde onuradunak memoria bat aurkeztu beharko du proiektuaren helburuen betetze maila eta gastuen justifikazioa egiteko.

#### **a. Epea betetzea.**

Laguntza zein urtetarako eman den zehaztuta, urte horietan egin beharko dira inbertsioak eta gastuak edo aurreikusitako gastu-konpromisoak.



**b. Emandako dirulaguntza onartzea.**

Dirulaguntza eman izanaren jakinarazpena jasotzen duen egunetik hasi eta hamabost eguneko epean, erakunde onuradunak dirulaguntzari esanbidez uko egiten ez badio, dirulaguntza onartutzat hartuko da.

**d. Jardueran aldaketak jakinaraztea**

Dirulaguntza zer jardueratarako eman den, horiexetarako erabiltzea, eta ez beste ezertarako, nahiz eta Fagorrek onar ditzakeen jarduera horiek gauzatzekoan sor litezkeen aldaketak, betiere aldaketa horiek guztiz justifikatu badira.

**e. Argitaratzen diren euskarrietan Fagorren aipamena**

Publikoki zabaltzeko sortzen diren dokumentazioetan, karteletan, propagandan, edo argitalpenetan, Fagor Taldearen logotipoa eta «Fagor Taldeak diruz lagundua» esaldia azaldu beharko dira. Erakunde onuradunek gutxienez euskara erabili beharko dute nahitaez diruz lagundutako jarduerak argitaratzean, iragartzean eta horiei buruzko publizitatea egitean.

**3. EZ-BETETZEAK ETA DIRU-LAGUNTZAK BUELTATZEA**

Justifikatutako arrazoirik gabe dirulaguntzaren eskaeran adierazitako helburuak ez badira betetzen, ez badira gastuak egiaztatzen edo oinarri hauetan ezarritako baldintzaren bat betetzen ez bada, Fagor Taldeak diru-laguntza bueltatzea eskatu dezake.

Puntu honetan aurreikusitako ondorioetarako, ez-betetzetzat hartuko dira honako egoera hauek:

- a) Diruz lagundutako proiektua gauzatzeko epeak gainditzea, betiere Fagor Taldeak emandako luzapen- edo aldaketa-baimenik izan ezean.
- b) Proiektu batean izandako gastuek onetsitako aurrekontuko zenbataren % 25 baino handiagoa den beheranzko desbideratzea ekartzen badute, ez-betetzeko arrazoia izan daiteke eta dirulaguntza galtzea eta aurrez jasotako kopuruak itzuli beharra ekar ditzake, betiere erakundeak ez badu desbideratze hori behar bezala justifikatu Fagor Taldearen aurrean.
- d) Proiektua beste zerbaitegara desbideratzea edo ez betetzea oinarri hauetan ezarritako beste edozein betebeharraren.

Ezarritako baldintzak partzialki betetzen badira, eta onuradunak argi eta garbi konpromisoak betetzeko jardun duela egiaztatzen bada, dirulaguntzaren zati bat ordainduko da, edo, hala badagokio, zati bat itzuliko da, eta egindako jarduera osoak guztizkoarekiko duen proportzioa kalkulatu da. Kasu horretan, onuradunak kobratzeko eskubidea duen zenbatekoa benetan eta behar bezala justifikatuta, eman den





dirulaguntzaren zenbatekoa izango da, Fagor Taldeak justifikazioa egiaztatu eta onartu ondoren.

Itzulketa egin behar bada honako hauek jakinaraziko zaizkio onuradunari: Itzulketa-prozeduraren hasiera, bete ez diren betebeharrak eta ukitutako dirulaguntzaren zenbatekoa. Prozeduraren ebazpenak dirulaguntza kobratzeko eskubidea galdu dela adieraziko du, eta, hala badagokio, jasotako zenbatekoak itzultzea erabakiko du. Itzulketa egiteko modua ere jakinaraziko zaio onuradunari. Itzulketa-espeditentea hastea eta ebaztea –itzulketa osoa edo partziala– Lehendakarien Batzordeari dagokio.

## BOSGARREN KAPITULUA. AZKEN XEDAPENAK.

### 1. IRUDIAK ERABILTZEKO BAIMENA

Diru ekarpena jasotzen duten erakundeak ordezkatzan dituzten pertsonen beren irudia eta izena erabiltzeko baimena idatziz eskatuko zaie, FAGOR SCOOP.eko politiken arabera, argazkiak atera aurretik.

### 2. DATU PERTSONALEN TRATAMENDUA

Parte-hartzaileek emandako datu pertsonalak FAGOR S. COOP.ek tratatuko ditu, tratamenduaren arduradun den aldetik, Herrigintza lankidetzaren programako parte-hartzea kudeatzeko. Konkretuki, proiektuan parte hartzeko eskaerak kudeatzeko eta proiektua hautatua izatekotan harremanetan jartzeko erabiliko ditugu zure datuak. Datu pertsonalak bi aldeetan artean dagoen harreman juridikoaren arabera tratatuko dira, Datuak Babesteko Erregelamendu Orokorren 6.1.b) artikuluekin bat eginez.

Datu pertsonal horiek legezko betebeharrak betetzeko jakinarazpen hori egin behar zaien entitate edo erakunde publikoari soilik jakinaraziko zaizkie eta ez da nazioarteko transferentziarik egingo.

Programa behar bezala kudeatzeko, hau da, onuradunak hautatu eta diru ordainketa egiteko behar-beharrezkoa den denboran soilik gordeko dira datu pertsonalak, eta, behar izango balitz, datuen tratamendutik eta honen helburuetatik erator litezkeen erantzukizun posibleen preskripzio epeetan zehar.

Kasu guztietan, parte-hartzaileek eskubidea dute beren datu pertsonaletarako sarbidea izateko, datuak zuzentzeko, ezeztatzeko, tratamendua mugatzeko, datuak transferitzeko, tratamenduari aurka egiteko edo baimena atzera botatzeko [lopd@fagor.eus](mailto:lopd@fagor.eus) helbide elektronikora edota San Andres Auzoa, z/g, 20500 Arrasate (Gipuzkoa) posta-helbidera eskaera bat bidaliz. Eskubide hauek behar bezala gauzatu ez direla uste bada, Datuen Babeserako Espainiako Agentziaren aurrean erreklamazio bat aurkeztu ahal izango da.

### 3. DIRU-LAGUNTZAK EMATEKO DERRIGORTASUNIK EZA

Fagor Taldeak diru laguntzak eman gabe uzteko eskumena izango du baldin eta aurkeztutako proiektuek ez badute gutxieneko puntuazio bat lortzen.

## ARGIBIDEAK

 [herrigintza@fagor.eus](mailto:herrigintza@fagor.eus)

 <https://www.fagor.eus>